



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Sic Deus dilexit mundum. Thema: Subtilis est
divinus amor, non patitur corrivalem.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

FERIA SECUNDA PENTE-
COSTES.

CONCIO TERTIA.

Sic DEUS dilexit mundum. Joan. cap. 3.

Textus.

Sic amans Deus, reciprocè amandus est, non limitatè, sed absolutè; subtilis est enim divinus amor, non patitur corri-
valem.

Thema.

Qualis amor noster erga Deum sic nos amantem esse debeat, S. ac doctissimus Isidorus lib. 16. Ethym. c. 4. erudito symbolo concepit: nempe similis sit lapidi Asbesto, qui semel accensus nunquam amplius ex-
stinguitur: subscribit lemma Academicus: *Unicè, &*

Exordium.

Semper: Deum sic excessivè nos amantem, *unicè & semper* redamemus. Ita S. Hieronymus Epistola ad Demetri: *Felix illa conscientia, & B. Virginitas, in cuius corde præter amorem Christi, qui est sapientia, castitas, patientia & iustitia, cæteræq; virtutes, nullus alius versatur amor, nec ad recordationem hominis aliquando suspirat.* Ad hunc amorem unicum hortatur Paulus I. ad Cor. c. 15. *Si quis non amat Dominum JESUM Christum, anathema sit.* Et David Ps. 18. *Non est, qui se abscondat à calore ejus.* Audiamus Patres: *Modus diligendi Deum, est diligere sine modo, sine modo te dilexit, sine modo eum diligere debes, modum dilectionis expressit te diligendo, pro te moriendo, tu quantum eum diligere debes, non potes. Dilige eum ergo ex tota mente, & ex omni anima, & ex omnibus viribus tuis,*

Patres.

S. Hieronym.

S. Augustin.

(B) 3

horta-

- hortatur S. Augustinus lib. de diligendo Deo. *Diligi debet Domine ex toto corde ratione creationis & redemptionis, quia enim hominem fecisti, debet seipsum amoris tuo, & quia eum redemisti, debet se amoris tuo,* scribit doctissimus Idiota lib. de contempl. cap. 12. *Qui creavit te, ipse redemit te, ne amorem tuum divideres, partem Creatori, & partem tribuens demptori,* inquit S. Anselmus lib. cur homo Deus. Optime Theodoretus. Theodoretus quaest. 1. in Levitic. *Deum ex toto corde diligentes, non partiuntur animum, collocantes illum tum in terrenis tum in caelestibus, sed totum sursum ferunt.* Conformiter Lippomannus in cap. 17. Genes. *Solus vult Dominus amari, ut solus Dominus noster est, sic totos nos exigit esse suos.* Erunt omnino, inquit S. Bernardus Serm. 3. de Ascens. *Si quis capsem illam dulcedinem huic cineri, divinum illud balsamum in veneno, charismata illa Spiritus misceri posse huiusmodi libris arbitratur.* Concludo cum S. Laurentio Justiniano: *licata est divina consolatio, (amoris Dei inquam) & non datur admittentibus alienam.* S. Spiritus gratiam invocata, deliquit Conceptus dabo.

CONCEPTUS I.

- Confirmatio.* Sponsam in Canticis dilectus comparat fumo: *Quae ista, quae ascendit sicut virgula fumi.* Cantic. 3. Item vocat eam columbam: *Columba in foraminibus petrae.* Cantic. 2. Comparat fumo, cur columbam vocat? Fumo Sapiens inscribit lemma: *Recta sursum:* & Hugo Cardinal. habet: *Fumus, dum oritur, moritur.* Amor inter Sponfos maximus est, sponsam ergo fumo comparando instruit dilectus, qualis amor erga ipsam esse debeat, nempe similis fumo, ut sicut fumus à terra recta sursum ascendat; sicut fumus vix ortus terrae disparet, & emoritur, ita amor erga Deum, Sponsam animarum nostrarum, *recta sursum,* à terrenis & caducis ad caelestia & divina ascendat; amor erga

erga Deum in corde nostro ortus; continuò mundanis omnibus rebus simul emoriatur. Vocat Sponsam columbam, de qua Richardus à S. Victore lib. 4. de contempl. *Consortem amat, socium non admittit*, quasi sponsam per nomen columbæ hortetur: Consortem, dilectum suum, Deum, amet, socium; mundum & carnem non admittat. Ita concludit Idiota lib. 1. de amore divino c. 4. *Amor erga DEUM neque dividi debet, neque scindi.* Et S. Anselmus habet lib. de mensura: *Sic totum cor nostrum tuo debemus amori, ut quidquid de eo alteri damus, tibi subtrahamus.*

CONCEPTUS II.

David Pf. 77. de Deo inquit: *Ædificavit sicut unicornium sanctificium suum in terra.* Terra homo est, ædificium in hac terra, est cor hominis, in hoc ædificio in corde hominis, Deus vult habitare more unicornii: quid quæso unicornis in domicilio suo laudabile, ac Deo beneplacens, observat? dicit Incognitus: *Secundum naturales, unicornis est talis natura, quod nullum animal permittat ad suum cubile accedere.* Ut unicornis in corde hominis inhabitare vult Deus; unicè inquam vult amari, nullum alium amorem, & affectum ad creaturas, penes Dei amoremmittere debemus, sed omnimodè excludere, ac repellere. Delicatus est divinus amor, consortem non admittit.

CONCEPTUS III.

Christus Joannis cap. 8. se lumen Mundi vocat: *Ego sum lux mundi.* De lumine observat S. Bernardus: *Lumen extinctum lumini lucenti, & ardenti, sine aliquo medio conjungitur.* Amanti Deo decet reciproco amore nos conjungi, est non aliter quàm lumen ardens extincto conjungitur; nempe immediatè, creatura media, omni affectu terreno, intermedio penitus excluso. *Omnis creatura vilescat, ut creator in corde dulcescat,* docet S. Augustinus tract. 2. in Joannem.

CON.

CONCEPTUS IV.

De Salvatore nostro inquit S. Lucas cap. 2. *Non erat locus in diversorio.* Hæc verba non sunt intelligenda, quod Christus locum in diversorio habere non potuisset, modo voluisset, sed noluit locari in diversorio, maluit in stabulo nasci, quam in diversorio morari. Cur Christus tantam aversionem habet diversorio, illud fugit, ac declinat? diversorium describitur Gl. Ordinaria: *Diversorium est domus inter duos muros, duas portas habens:* Diversorium duas portas, & introitus habet; diversorium & homines honestos, etiam inhonestos suscipit, ac admittit. Et ideo Deus homo, amor divinus, diversorium averfatur, ac declinat, ut exhinc discamus; corda nostra divinus amor uti non debet, ea non debere esse similia hospitio; id est, non debent pateant cuivis amori profano, non suscipiant mundi delicias, vanitates, sed unicam solum januam, amori divino patentem habeant, præter divinum amorem, alium non suscipiant. Salus est divinus amor; consortem non admittit.

CONCEPTUS V.

Joan. cap. 13. Abigit divinus Amor Judam Iscariotem. *facis, fac citius.* Cur Judam rejicit, qui dicit Matth. cap. 23. *vocare peccatores.* Causalem indicat S. Joannes: *Cum introitum in eum Sathanas.* Cor Judæ diversorio simile erat, introitus terreno affectui latè patuit. *Fur erat, & loculos habens,* qui amari vult Deus, corrivalem non admittit, si clausum est cor omni inordinato, ac terreno affectui, Salvator subintrat, ac in divinus deliciosè inhabitat, rejicitur verò amor divinus, a mundo, ac carni obviè pateat. Omnis creatura vilefcat, Creator in corde dulcescat.

CONCEPTUS VI.

S. Paulus hortatur 2. ad Corinth. cap. 4. *Non contemp-*

tibus nobis qua videntur, sed qua non videntur. Mira hæc S. Pauli est exhortatio: Invisibilia videamus, visibilia non videamus: contrarium in hoc naturæ cursu evenit, videmus patentia, non apparentia, ac invisibilia non videmus, quid ergò mysterii latet sub hæc paternâ S. Pauli exhortatione: visibilia non videamus, sed invisibilia? explico mysterium: Invisibilis est amor divinus, visibilis autem est omnis gustus, amor & affectus in creaturas, S. Paulus ergò hortatur, sensibiles creaturas, ac mundi vanitates, non esse affectandas, ut invisibilis dulcedo amoris divini in corde nostro perseveret. Ita concludit S. Chrysostomus hom. 52. in Acta: *Nullus quippè visibilia videns, invisibilia vidit, nullus invisibilia videns, visibilia videt.* Subtilis est divinus amor, consortem non admittit.

Hortor ergo imitari sponsam Cantic. 2. *Dilectus meus mihi, & ego illi:* Unice O homo te Deus amavit: solum ergò & unicum Deum redames. Quod ut fiat, supplico cum S. Augustino lib. medit. cap. 35. *Dulcissime ac amantissime JESU, infunde obsecro pectori meo multitudinem charitatis tuae, ut te solum in corde habeam, scribe digito tuo in pectore meo dulcem tui memoriam, nulla unquam oblivione delendam. Amen.* Epilogus.

